

ՈՒՂԵՑՈՒՅՑ

2020 թ.

Վանաձոր

5. ՏԱՐԿԵՏՄԱՆ ՀԻՄՔԵՐԸ



Պարտադիր զինվորական ծառայության զորակոչից տարկետման հիմքերը

Պարտադիր զինվորական ծառայությունից ազատվելու հիմք չունեցող քաղաքացիներին պարտադիր զինվորական ծառայության զորակոչից տարկետում տրվում է՝

- 1) առողջական վիճակի պատճառով,
- 2) ընտանեկան պայմաններից ելնելով,
- 3) Ազգային ժողովի պատգամավոր ընտրված քաղաքացուն,
- 4) նպատակային ուսումնառության համար,
- 5) գիտության, կրթության, մշակույթի, արվեստի և սպորտի բնագավառներում նշանակալի նվաճումներ ունեցող քաղաքացիներին
- 6) բնագիտական, տեխնոլոգիական, ճարտարագիտական և մաթեմատիկական (ԲՏՃՍ) ուղղություններով պետության համար առաջնահերթ և կարևորություն ներկայացնող մասնագիտություններով համապատասխան բուհերում սովորողին:

Ընտանեկան պայմաններից ելնելով պարտադիր զինվորական ծառայության զորակոչից տարկետման հիմք ունեցող կամ այդ հիմքով տարկետում ստացած, ինչպես նաև նպատակային ուսումնառության համար և գիտության, կրթության, մշակույթի, արվեստի և սպորտի բնագավառներում նշանակալի նվաճումներ ունենալու հիմքով տարկետում ստացած քաղաքացին կարող է իր դիմումի համաձայն հրաժարվել տարկետման իրավունքից և զորակոչվել պարտադիր զինվորական ծառայության:

Պարտադիր զինվորական ծառայության գորակոչից ընտանեկան պայմաններից ելնելով տարկետում ստանալու համար անհրաժեշտ գործողությունները.

Եթե Դուք օրենքով սահմանված կարգով ունեք պարտադիր զինվորական ծառայության գորակոչից ընտանեկան պայմաններից ելնելով տարկետում ստանալու իրավունք, ապա անհրաժեշտ է հայտարարված գորակոչի ընթացքում տարածքային զինվորական կոմիսարիատ ներկայացնել տարկետում ստանալու համար հիմք հանդիսացող հանգամանքները հաստատող փաստաթղթերը, օրինակ՝ 1-ին կամ 2-րդ խմբի հաշմանդամությունը հավաստող բժշկասոցիալական փորձաքննական որոշում, ընտանիքի կազմի վերաբերյալ տեղեկանք, ամուսնալուծության վկայական, դատարանի օրինական ուժի մետ մտած վճիռ, որդեգրման վկայական, այլ փաստաթղթեր՝ կախված տարկետում ստանալու օրենքով սահմանված հիմքից:



Եթե Դուք տվյալ գորակոչի ընթացքում ընտանեկան պայմաններից ելնելով ստանում եք պարտադիր զինվորական ծառայության գորակոչից տարկետում, ապա պարտավոր եք ստացած տարկետումից հետո յուրաքանչյուր հայտարարված գորակոչի ընթացքում տարածքային զինվորական կոմիսարիատ ներկայացնել տարկետում ստանալու համար հիմք հանդիսացած հանգամանքները հաստատող փաստաթղթերը:

Պարտադիր զինվորական ծառայության գորակոչից նպատակային ուսումնառության համար տարկետում ստանալու համար անհրաժեշտ գործողությունները.

1. Եթե Դուք՝

1) ենթակա եք շարքային կազմի պարտադիր զինվորական ծառայության,

2) սովորում եք ՀՀ հավատարմագրված բարձրագույն ուսումնական հաստատություններում բակալավրի կամ դիպլոմավորված մասնագետի կամ ինտեգրացված կրթական ծրագրով առկա ասացմամբ կամ տվյալ ուսումնական տարվա շրջանակներում հանդիսանում եք դիմորդ,

3) ցանկություն ունեք ուսումնառության ընթացքում զինվորական պատրաստություն անցնելու և ուսումնառության ավարտից հետո ՀՀ պաշտպանության նախարարության կողմից նշված վայրում և պայմաններով զինվորական ծառայություն անցնելու,



ապա կարող եք գորակոչի նախապատրաստական փուլի ժամանակ, սակայն ոչ ուշ, քան մինչև տվյալ տարվա հունիսի 1-ը դիմում ներկայացնել Ձեր զինվորական հաշվառման վայրի տարածքային զինվորական կոմիսարիատ՝ պարտադիր զինվորական ծառայությունից տարկետում ստանալու համար:

Դիմումին կից ներկայացվում են՝

- 1) Ձեր անձը և ՀՀ-ում հավատարմագրված բարձրագույն ուսումնական հաստատություններում բակալավրի կամ դիպլոմավորված մասնագետի կամ ինտեգրացված կրթական ծրագրով առկա ուսուցմամբ սովորելու հանգամանքը հաստատող փաստաթղթերի պատճենները,
- 2) եթե դիմորդ եք, ապա տվյալ ուսումնական ստրուկտուրայի շրջանակներում դիմորդ հանդիսանալու հանգամանքը հաստատող փաստաթղթերի պատճենները,
- 3) գնահատման և թեստավորման կենտրոնի համապատասխան հաշվի համարին փոխանցված 1500 դրամ վճարի անդորրագիրը:



Անհրաժեշտ է հիշել, որ սահմանված ժամկետից հետո ներկայացված դիմումները ընթացք չեն ստանում եւ մերժվում են:

Ներկայացված դիմումից հետո Դուք անցնում եք առողջական վիճակի փորձաքննություն, որից հետո, եթե ճանաչվում եք պիտանի զինվորական ծառայության համար, ապա Ձեր փաստաթղթերը, պաշտպանության նախարարության կողմից ներկայացվում են գնահատման և թեստավորման կենտրոն՝ թեստավորումն իրականացնելու համար:

Եթե թեստավորման արդյունքներով ճանաչվում եք հաղթող, ապա Ձեր և ՀՀ պաշտպանության նախարարության միջև կնքվում է ՀՀ պաշտպանության նախարարության կողմից նշված վայրում և պայմաններով զինվորական ծառայություն անցնելու քաղաքացիաիրավական բնույթի պայմանագիր:

Պայմանագիր կնքելուց հետո Դուք տարածքային զինվորական կոմիսարիատ եք ներկայացնում ուսումնական հաստատության կողմից Ձեր ուսումնառության ժամկետի վերաբերյալ տրված տեղեկանքը, որի հիման վրա էլ Ձեզ տրվում է տարկետում:

2. Եթե Դուք՝

1) հանդիսանում եք օտարերկրյա պետություններում հանրակրթական, ինչպես նաև հիմնական կրթության հիմքի վրա առանց ընդհատման նախնական (արհեստագործական)

կրթական ծրագրերյով սովորող,

2) 19 տարին լրանալու օրվա դրությամբ հանրակրթական, ինչպես նաև հիմնական կրթության հիմքի վրա առանց ընդհատման

նախնական (արհեստագործական) կրթական ծրագրերով ուսումնառությունը չեք ավարտել,

3) հայտարարված զորակոչի շրջանակներում ենթակա եք

ապա պարտադիր զինվորական ծառայությունից տարկետում ստանալու համար Դուք պետք է դիմում ներկայացնեք ՀՀ կրթության, գիտության, մշակույթի և սպորտի նախարարին:



Դիմումին կից ներկայացվում են՝

1) անձնագրի կամ նույնականացման քարտի, դրանց բացակայության դեպքում՝ անձը հաստատող այլ փաստաթղթի պատճենը,

2) ուսումնական հաստատության կողմից տրված տեղեկանքը՝ կրթական ծրագրի տեսակի և համապատասխան կրթական ծրագրով քաղաքացու ուսումնառության սկզբի և ավարտի ժամկետների վերաբերյալ տեղեկատվությամբ, իսկ նախնական (արհեստագործական) կրթական ծրագրով սովորողների մասով նաև հիմնական հանրակրթական ծրագրի անցած լինելու ավարտական վկայականի պատճենը:

Անհրաժեշտ է հիշել, որ օտարերկրյա պետությունների համապատասխան ուսումնական հաստատությունների կողմից տրված փաստաթղթերը պետք է վավերացվեն՝ նոտարական կարգով հաստատված հայերեն թարգմանությամբ:

3. Եթե Դուք ուսումնառության ընթացքում անցնելու եք դասակի հրամանատարի պաշտոնի համալրման զինվորական պատրաստություն, ապա պայմանագիրը կնքվում է 2 տարի 3 ամիս ժամկետով, որում առաջին 3 ամիսը շարքային կազմի պարտադիր զինծառայողի կարգավիճակով, իսկ եթե անցնելու եք բժշկական մասնագիտացում պահանջող պաշտոնների համալրման պատրաստություն, ապա պայմանագիրը կքնվում է 1 տարի ժամկետով կլինիկական ռեզիդենտուրայում ՀՀ պաշտպանության նախարարության պատվերով ուսումնառության և հետոսումնական 4 տարի ժամկետով:

Պարտադիր զինվորական ծառայության գորակոչից գիտության, կրթության, մշակույթի, արվեստի և սպորտի բնագավառներում նշանակալի նվաճումներ ունենալու դեպքում տարկետում ստանալու համար անհրաժեշտ գործողությունները:

1. Գիտության և կրթության բնագավառներում գործունեության համար պարտադիր զինվորական ծառայության գորակոչից տարկետում ստանալու նպատակով Դուք կարող եք մինչև տվյալ տարվա ապրիլի 1-ից մինչև մայիսի 1-ը կամ հոկտեմբերի 1-ից մինչև նոյեմբերի 1-ը դիմում ներկայացնել ՀՀ կրթության, գիտության, մշակույթի և սպորտի նախարարություն:

Դիմումին կից ներկայացվում են Ձեր անձը և գիտության և կրթության բնագավառներում Ձեր գործունեությունը հաստատող, ինչպես նաև գիտական և (կամ) գիտատեխնիկական արդյունքներ պարունակող (նկարագրող) փաստաթղթերի բնօրինակները և դրանց պատճենները: Եթե Դուք մասնակցելու եք օփմալիադաների, գիտաժողովների, մրցանակաբաշխությունների անցկացմանը տվյալ տարվա մայիսի 1-ից կամ նոյեմբերի 1-ից հետո, ապա մինչև համապատասխան գորակոչի ավարտը նախատեսված լինելու դեպքում դիմումում պետք է նշվի նաև Ձեր կողմից դրանց մասնակցության մասին, և դիմումին կցվում են մասնակցությունը հաստատող փաստաթղթերը:

Անհրաժեշտ է հիշել, որ սահմանված ժամկետներից հետո ներկայացված դիմումները ենթակա չեն քննարկման:

2. Մշակույթի և արվեստի բնագավառներում գործունեության համար պարտադիր զինվորական ծառայության զորակոչից տարկետում ստանալու համար Դուք կայտղ եք մինչև տվյալ տարվա ապրիլի 1-ից մինչև մայիսի 1-ը կամ հոկտեմբերի 1-ից մինչև նոյեմբերի 1-ը դիմում ներկայացնել ՀՀ կրթության, գիտության, մշակույթի և սպորտի նախարարություն:

Դիմումին կից ներկայացվում են Ձեր անձը և մշակույթի և արվեստի բնագավառներում Ձեր գործունեությունը հաստատող փաստաթղթերի բնօրինակները և դրանց պատճենները, ինչպես նաև մշակույթի և արվեստի բնագավառների առնվազն երկու հեղինակավոր գործիչների (ՀՀ ժողովրդական արտիստ) երաշխավորագրեր:

Եթե Դուք մասնակցելու եք մրցանակաբաշխությունների, մրցույթների, փառատոների, ցուցահանդեսների, համերգների անցկացմանը տվյալ տարվա մայիսի 1-ից կամ նոյեմբերի 1-ից հետո, ապա մինչև համապատասխան զորակոչի ավարտը նախատեսված լիներս դեպքում դիմումում նշվում է նաև Ձեր կողմից դրանց մասնակցության մասին և դիմումին կցվում են մասնակցությունը հաստատող փաստաթղթերը:

Անհրաժեշտ է հիշել, որ սահմանված ժամկետներից հետո ներկայացված դիմումները ենթակա չեն քննարկման:

3. **Սպորտի բնագավառում** գործունեության համար պարտադիր զինվորական ծառայության զորակոչից տարկետում ստանալու նպատակով **Դուք**, իսկ թիմային մարզաձևերի շրջանակներում՝ նաև համապատասխան մարզաձևի ազգային ֆեդերացիայի նախագահը, կարող եք մինչև տվյալ տարվա ապրիլի 1-ից մինչև մայիսի 1-ը կամ հոկտեմբերի 1-ից մինչև նոյեմբերի 1-ը դիմում ներկայացնել ՀՀ կրթության, գիտության, մշակույթի և սպորտի նախարարություն:

Դիմումին կից ներկայացվում են Ձեր անձը և սպորտի բնագավառում նշանակալի նվաճումները հաստատող փաստաթղթերի բնօրինակները և դրանց պատճենները:

Եթե **Դուք** մասնակցելու եք առաջնությունների, խաղերի, ունիվերսիադաների անցկացմանը տվյալ տարվա մայիսի 1-ից կամ նոյեմբերի 1-ից հետո, ապա մինչև համապատասխան զորակոչի ավարտը նախատեսված լինելու դեպքում դիմումում նշվում է նաև Ձեր կողմից դրանց մասնակցության մասին, և դիմումին կցվում են մասնակցությունը հաստատող փաստաթղթերը:

Անհրաժեշտ է հիշել, որ սահմանված ժամկետներից հետո ներկայացված դիմումները ենթակա չեն քննարկման:



Ուղեցույցը կազմեցին՝

Հայկ Հակոբյան
Արմինե Սադիկյան

Ուղեցույցը պատրաստվել է Հելսինկյան քաղաքացիական ասամբլեայի Վանաձորի գրասենյակի կողմից Ժողովրդավարության աջակցության ազգային ֆոնդի (NED) ֆինանսական աջակցությամբ:

Սույն ուղեցույցում արտահայտված տեսակետները, մեկնաբանություններն ու եզրակացությունները հեղինակներինն են և հնարավոր է, որ չհամապատասխանեն Ժողովրդավարության աջակցության ազգային ֆոնդի (NED) տեսակետներին: